



## SEKTORI I PROKURIMIT - KABINETI I KRYETARIT

Bazuar në nenin 108/A paragrafi 10 nënparagrafi 10.2 të Ligjit nr. 04/L-042 për Prokurimin Publik lidhur me nenin 60 të Ligjit nr. 05/L-068 për ndryshimin dhe plotësimin e Ligjit nr. 04/L-042 për Prokurimin Publik të Republikës së Kosovës, i ndryshuar dhe plotësuar me ligjin nr. 04/L-237 dhe me ligjin nr. 05/L-092, si dhe duke u bazuar në nenin 61 paragrafi 61.3. lidhur me nenin 63 paragrafin 63.1.2. të Rregullores (A01) nr. 001/2022 për Prokurimin Publik, duke vendosur sipas kërkesës për rishqyrtim të operatorit ekonomik "Limit Project" Sh.P.K. të datës 30.07.2024 kundër njoftimit për kontratë dhe dosjes së tenderit lidhur me aktivitetin e prokurimit me titull "99 Ndërtimi i ishullit urban Arberi-Pallati i Rinisë" me nr. të prokurimit 616-24-7202-5-1-1, Komuna e Prishtinës (autoriteti kontraktues) përmes zyrtarit përgjegjës të prokurimit nxjerr këtë:

### V E N D I M

- I. **MIRATOHET si pjesërisht e bazuar** kërkesa për rishqyrtim e operatorit ekonomik "Limit Project" Sh.P.K. të datës 30.07.2024 kundër njoftimit për kontratë dhe dosjes së tenderit lidhur me aktivitetin e prokurimit me titull "99 Ndërtimi i ishullit urban Arberi-Pallati i Rinisë" me nr. të prokurimit 616-24-7202-5-1-1.
- II. **NJOFTOHET** operatori ekonomik "Limit Project" Sh.p.K. se autoriteti kontraktues - Komuna e Prishtinës me datë 31.07.2024 ka publikuar Formularin për Korigjimin e Gabimeve në Njoftimet e Publikuara përmes të cilit ka bërë korigjimin e kërkesave mbi kapacitetin teknik dhe profesional në dosjen e tenderit sipas të gjeturave të evidentuara më poshtë në këtë vendim.
- III. **NJOFTOHEN** palët e interesuara lidhur me këtë vendim përmes publikimit në platformën elektronike E-Prokurimi në adresën <https://e-prokurimi.rks-gov.net>.
- IV. Vendimi hyn në fuqi në ditën e nënshkrimit.

### Arsyetim

Operatori ekonomik "Limit Project" Sh.P.K. (tutje "parashtruesi") me datë 30.07.2024 ka paraqitur kërkesë për rishqyrtim kundër njoftimit për kontratë dhe dosjes së tenderit lidhur me aktivitetin e prokurimit me titull "99 Ndërtimi i ishullit urban Arberi-Pallati i Rinisë" me nr. të prokurimit 616-24-7202-5-1-1.

Gjatë shqyrtimit paraprak të kërkesës për rishqyrtim të parashtruesit është gjetur se kërkesa është e lejuar dhe është parashtruar brenda afatit nga personi i autorizuar si dhe nuk ekzistojnë pengesa tjera për të shqyrtuar kërkesën e parashtruesit. Në këtë mënyrë janë plotësuar kushtet për të vazhduar me shqyrtimin meritor (*in meritum*) të kërkesës.

Pretendimet e parashtruesit janë cituar si në vijim:

**Pika 1:** Kërkesat mbi mundësitë teknike dhe/ose profesionale-nen 2. Menaxher i projektit Inxhinier i diplomuar i ndërtimitarisë konstruktive, min. 10 vite përvojë pune pas diplomimit, te ketë dëshmi se ka menaxhuar projekte ne fushën e ndërtimit min. 8 milion euro ne tri vitet e fundit, te prezantoje minimumi 3 projekte me ekspertiza nga lëmi e ndërtimitarisë.... Ju lutemi, si ka mundësi qe te kufizohet periudha ne vetëm 3 vite për vlerën 8 milion pune te menaxhuara nga menaxheri i projektit, kur, nëse një menaxher ka menaxhuar një projekt me vlere me te madhe se 8 milion ne vitet me herët dhe përvoja e menaxherit sa me e gjate ne aspektin kohor, krijon përvoja dhe ekspertize me te madhe. Gjithashtu, ju lutemi na sqaron se çka keni menduar me kërkesën për ekspertize për se paku 3 projekte. Si dhe te na definoni se kush duhet ti certifikojë personat për instruktor nuk e keni definuar dhe shpjeguar në përgjigjen për sqarim?

**Pika 2:** Udhëheqësi i udhëheqësit te punishtes, kush duhet ta beje certifikimin ne fushën e infrastrukturës rrugore. Gjithashtu, a ka ndonjë arsye qe Inxhinieri i Ndërtimit menaxher i punishtes, qe te jete i certifikuar për auditimin e energjisë kur duhet qe inxhinieri projektues duhet të ketë këtë përgatitje? • Ing.infrastruktures nuk ka nevojë për ekspertizë të energjisë, pasi qe certifikimi për auditim te energjisë ,nuk ka lidhje me energjin, por vetëm në çështjen e efijences energjetike Efijenca arrihet në projektim?

**Pika 3:** Nuk e kemi kuptuar pse e keni vendosur e makatronikes- si dhe pse është kërkuar te ketë hartuar projekte, nëse projekti veç është bere dhe po krijon konfuzion nëse është ekzekutim apo projektim. Ing i makatronikes mund te zëvendësohet me elektrik ose makineri?

**Pika 4:** Inxhinier i diplomuar i elektroteknikes - kompjuterik me telekomunikacion? Cili pozicion ne paramasë e kërkon dhe pse duhet hartim projektesh? Në pjesën e kërkesës suaj, keni parapara provojë në hartimin e projektit. Duhet ditur nëse kontrata do te jet zbatim apo projektim. Prandaj ing duhet të ketë provojë në ekzekutim.

**Pika 5:** Inxhinier i makinerisë - komunikacion, pse është kërkuar referenca për projektim kur projekti është ekzekutim! Projektimi nuk e ngrit profesionalisht për zbatimin kontrata e shpallur -vendimi është për zbatim jo projektim. Prandaj ing duhet të ketë provojë në ekzekutim.

**Pika 6:** Operatori ekonomik duhet te prezantoj listën e stafit te dorëzuara ne ATK për tri vitet e fundit 2021,2022 dhe 2023. Fuqia mesatare per tri vitet duhet te jete min, 50 punëtor. Pse duhet te jene raporti për 3 vite kur ligji i prokurimit e lejon mundësinë qe te bëhen kontrata ne vepër dhe angazhimi i fuqisë punëtore te behet vetëm për ketë projekt. Kërkesa është e çuditshme! Nëse kompania ka qen solide ne 3 vitet paraprake ,por ne vitin aktual nuk posedon fuqinë punëtore, si ka mundësi të fitojë.

**Pika 7:** Te punësuarit, sipas pikës 12, certifikimi nga kush duhet te jete për pllakashtrues, zdrukthëtar etj, apo mund te ketë vetëm referencën nga kompania punëdhënëse! Nuk keni specifikuar nga cili institucion te lëshohen certifikimet në përgjigjen për sqarim ose të hiqet kriteri.

**Pika 8:** Sipas pikës 14, OE duhet te jete prodhues ose te ketë marrëveshje me ndonjë prodhues te elementeve te parafabrikuara nga betoni i paranderrur Certifikat cili veprimtarisë, e përcakton certifikimi për këto veprimtari, dhe referencat e punëve te kryera, apo certifikime ndërkombëtare nga cili institucion nuk e keni specifikuar në përgjigjen për sqarim. Ose të hiqet ky kriter ose te specifikohet institucioni për certifikim. Pika 9 Kërkesa 17. OE duhet te dëshmoj se sistemi menaxhuar i ofertuesit përmbushë kriteret e përcaktuara bën fushën e ndërtimitarisë se paku për këto ISO Standard: -ISO 9001 2015; -QMS ISO 9001-2015 (Internal Auditor); -ISO 14001-2015; -EMS ISO 14001-2015 (Internal Auditor);- ISO 45001-2018: -DS CEN TR 15128-2005; -EN SIO 1452-1 2009; -EN ISO 50001-2018;-EN ISO 39001-2012; Internal Auditor, nuk e keni shpjeguar nga çfarë institucioni në përgjigjen për sqarim?".

Lidhur me pretendimet ankimore duhet sqaruar se me datë 31.07.2024 AK ka publikuar Formularin për Korigjimin e Gabimeve në Njoftimet e Publikuara me ç'rast janë ndryshuar plotësisht disa kërkesa të DT për të cilat edhe parashtruesi ka prezantuar pretendimet e tij ankimore përmes kërkesës për rishqyrtim. Me këtë rast AK ka marrë parasysh edhe kërkesën për rishqyrtim të parashtruesit. Megjithatë pjesa tjetër e pretendimeve ankimore përtej kërkesave të DT që tanimë janë ndryshuar nga AK, si të tilla janë të pabazuara pasi që kërkesat e mbetura në DT janë të domosdoshme për të arritur qëllimin e synuar të aktivitetit të prokurimit. Për më tepër, pa këto kërkesa është e pamundur që të realizohet me sukses kontrata që synohet të lidhet përmes këtij aktiviteti të prokurimit.

Nga sa u tha më sipër është gjetur se parashtruesi ka paraqitur argumente të qëndrueshme për të mbështetur pjesërisht pretendimet e tij ankimore. Prandaj kërkesa e tij për rishqyrtim është miratuar si e bazuar pjesërisht.

Për pikën I dhe II të këtij vendimi është vendosur duke u bazuar në nenin 63 paragrafin 63.1.2. të RRPP. Për pikën III dhe pikën IV të këtij vendimi është vendosur duke u bazuar në nenin 63 paragrafin 63.2. të RRPP.

Bazuar në të thënat më sipër është vendosur si në dispozitiv të këtij aktvendimi.

**Prishtinë, 01.08.2024**

**Visar SHEHU**  
Udhëheqës i Sektorit të Prokurimit  
Komuna e Prishtinës



**Këshillë juridike:**

Pala e pakënaqur me këtë vendim mund të paraqes ankesë pranë Organit Shqyrtues të Prokurimit brenda afatit prej dhjetë (10) ditëve pas pranimit të këtij vendimi.